



# ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ԵՐԵՎԱՆԻ ԲԱՂԱՔԻ ԴԱՎԹԱՇԵՆ ՎԱՐՉԱԿԱՆ ՇՐՋԱՆԻ ՂԵԿԱՎԱՐ

« 08 » 11 2021թ.

ք. Երևան, Դավթաշեն 3-րդ թաղ. վարչական շենք  
հեռ. /011/51-82-82, davtashen@yerevan.am

№ \_\_\_\_\_

ՈՐՈՇՈՒՄ 1247 - Շ

## ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

### 1. Վարչական իրավախախտման վերաբերյալ գործի նկարագրությունը, վարչական ակտն ընդունելու համար հիմք հանդիսացող փաստերը.

Երևանի քաղաքապետարանի առևտրի և սպասարկումների վարչության առաջատար մասնագետ Հայկ Մարգարյանի կողմից հայտնաբերվել է Հայաստանի Հանրապետության վարչական իրավախախտումների վերաբերյալ օրենսգրքի (այսուհետ՝ օրենսգիրք) 162-րդ հոդվածի 2-րդ մասով նախատեսված իրավախախտում, որի վերաբերյալ 30.09.2021 թվականին կազմել է վարչական իրավախախտման թիվ 039048 արձանագրությունը (այսուհետ՝ արձանագրություն):

Նշված իրավախախտման հայտնաբերման փաստի առթիվ հարուցվել է վարչական վարույթ:

Որպես իրավախախտման փաստը հաստատող ապացույց, լուսանկարվել է իրավախախտումը:

Իրավախախտում կատարած անձ՝ Մուրադ Ավետիքի Վարդանյանը գործի քննության մասին պատշաճ ծանուցվել է, սակայն չի ներկայացել վարչական իրավախախտման գործի քննությանը:

Գործի քննության ընթացքում ուսումնասիրվեցին արձանագրությունը, լուսանկարները և արձանագրությանը կցված այլ փաստաթղթեր:

### 2. Վարչական ակտ ընդունելու հիմնավորումը.

Օրենսգրքի 9-րդ հոդվածի համաձայն՝ «Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն»:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան»:

Նույն Օրենսգրքի 162-րդ հոդվածի 2-րդ մասի համաձայն՝ բուսական ծագում ունեցող գյուղատնտեսական արտադրանքի ոչ սահմանված տեղերում առևտուր անելը՝ առաջացնում է տուգանքի նշանակում քաղաքացիների նկատմամբ՝ սահմանված նվազագույն աշխատավարձի տասնհինգապատիկից քսանապատիկի չափով:

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում հիմնավորվեց, որ Մուրադ Ավետիքի Վարդանյանի կողմից թույլ է տրվել Օրենսգրքի 162-րդ հոդվածի 2-րդ մասով նախատեսված իրավախախտում, մասնավորապես վերջինիս կողմից՝ ք. Երևան, Դավթաշեն 1-ին թաղամաս 35/3

հասցեի դիմաց՝ ոչ սահմանված տեղերում բուսական ծագում ունեցող գյուղատնտեսական արտադրանքի վաճառք է իրականացրել:

Ելնելով վերոգրյալից, հիմք ընդունելով գործի քննության ընթացքում պարզված հանգամանքները և ղեկավարվելով Հայաստանի Հանրապետության վարչական իրավախախտումների վերաբերյալ օրենսգրքի 162-րդ հոդվածի 2-րդ մասով, 219.1-րդ, 281-րդ և 282-րդ հոդվածներով և Երևան քաղաքի ավագանու 2010 թվականի մայիսի 7-ի N 96-Ն որոշմամբ՝

### ՈՐՈՇԵՑԻ

1. Մուրադ Ավետիքի Վարդանյանին Օրենսգրքի 162-րդ հոդվածի 2-րդ մասով ենթարկել վարչական պատասխանատվության՝ նշանակելով վարչական տույժ 20.000 (քսան հազար) ՀՀ դրամի չափով:

2. Օրենսգրքի 305-րդ և 306-րդ հոդվածների համաձայն տուգանքը պետք է մուծվի սույն որոշումը խախտողին հանձնելու օրվանից ոչ ուշ, քան տասնհինգ օրվա ընթացքում՝ մուծում կատարելով կենտրոնական գանձապետարանի բաժանմունքի N 900055314422 հաշվին:

3. Սույն որոշումը կարող է վարչական կարգով բողոքարկվել Երևանի քաղաքապետին՝ դրա ուժի մեջ մտնելու օրվանից երկու ամսվա ընթացքում կամ դատական կարգով Հայաստանի Հանրապետության վարչական դատարան՝ երկամսյա ժամկետում:

4. Սույն որոշման պահանջները չկատարելու դեպքում, <<Վարչարարության հիմունքների և վարչական վարույթի մասին>> ՀՀ օրենքի 88-րդ հոդվածով սահմանված կարգով այն ենթակա է հարկադիր կատարման՝ ՀՀ ԱՆ ԴԱՀԿ ծառայության միջոցով՝ անբողոքարկելի դառնալուց հետո եռամսյա ժամկետում:

**ԵՐԵՎԱՆ ՔԱՂԱՔԻ ԴԱՎԹԱՇԵՆ  
ՎԱՐՉԱԿԱՆ ՇՐՋԱՆԻ ՂԵԿԱՎԱՐ**



**Մ.ԹՈՒՄԱՍՅԱՆ**